



Besaup Nentuka Nadai Sapa Agi Tinggal Dalam Pemetang

Projek Rayat

Kolaborasi, komitmen enggau kerejasama diguna enti Sarawak deka nyapai juluk ulih mekalka elekerik ngagai semua.

Fokus nyambung elekerik di menua pesisir iya nya nengah chara ngerembaika grid ngagai kandang menua ti ulih disambung lalu sistem ti kediri nyendiaka chara pemansut elekerik alternatif ke dikena ba kandang menua ti jauh ari sambung grid, ngambika komuniti enda agi ngena injin api diesel ke inggar sereta mar ungkus.

Pemujur bejalaika Pelin besai begunaka kerejasama enggau komitmen ba semua orang ti bisi pemerat ba pekara nya, ti deka negapka pemansang di menua pesisir sereta ngerapitka seraka pemansang antara komuniti di menua pesisir enggau mengeri, lalu nyaup ngemujurka juluk Sarawak nyadi nengeri ti maju datai ba taun 2030.



Projek Ari Rayat

Ba pengawa bejalaika projek mekal elekerik menua pesisir, tim Sarawak Energy deka betemu lalu nerang ngagai peranak sentang tetiap projek ke benung digaga, kelebih agi ti bekaul enggau usul projek nya.

Sistem grid ke digaga nya diuntu sereta dipejalaika Sarawak Energy enti udah tembu digaga, lalu ti kediri luar ari grid sistem SARES deka diserahka ngagai komuniti genturung pendiau nya empu, chara operasyon enggau nguntu deka dipejalaika nengah sukung ti disediaka Sarawak Energy ba sentang penanggul teknikal.

SISTEM GRID

Peranak menua nya enda tau enda ngaul diri ngambika sida diterang sentang pekara ngerejista diri, pematut nyambung wayar dalam rumah baka proses ngelekatka meter.

Penerang sentang pengelikon elekerik mega diberi enti tetiap bansa sistem nya sedia dikemendar sereta diidupka.



LUAR ARI GRID

Pemendar enggau kerejasama peranak menua nya beguna amat dikena nentuka projek ke digaga nya mujur, lalu sida semua enda tau enda setujuka kandang endur ba genturung pendiau nya alai ngaga stesyen kuasa solar.

Peranak menua nya mega dilatih chara bejalaika operayen, ngemata sereta nguntu sistem baka chara nguntu 3kWh ti dungkup ke dikena ninting hari ngagai tetiap ruang bilik.



Kerejasama Entara Ejensi

Mekal elekerik ngagai menua pesisir Sarawak ukai pengawa ti mudah – lanskap geografi ti besai, sungai ti deras ai, kampung tuai enggau rampa menua mar ditujah.

Kerejasama beguna amat dikena nentuka projek mekalka elekerik ti digaga nya lanchar, lalu Opis Menteri Utiliti Sarawak enggau Sarawak Energy bekereja rat enggau Opis Residen sereta Opis Pelilih Menua nyengkaum bala ketua komuniti enggau pengari rayat.



#MeriPenampakNgagaiKomiti

Nengah penyakah Pelin Ngenyampatka Bekal Elekerik Menua Pesisir, ngena innovasyon teknologi, pragmatik enggau runding kreatif sereta kerejasama ari mayuh bengkah ejensi, juluk ati Perintah Sarawak deka meri bungkur elekerik ngagai semua nyerumba taun 2025 majak tejapai sereta nyadi nyata.



Nama jaku Rayat

Gayna anak Basat, Rumah Liok, Semiang

“Aku berasai gaga ati laban ulih meda tu nyadi. Tu ubah besai ba kami ti diau di ulu entigis lalu tu mega ngujungka kami ulih ngasaika utai ti diasaika peranak di mengeri ngelama tu, taja pan nya sebagai mit ari utai ti dikemisika sida.

Aku ulih meda ubah ba sekeda rumah panjai ke udah tembu projek dibekal elekerik lalu diatu kami keran amat deka ngasaika perengkaguna ke sama ditu.”

(Pengawa ngaga perengkaguna solar benung digaga maya interbiu tu dipejalaika.)



Along anak Ason, Rumah Along, Nanga Majau

“Kami udah disambung enggau bekal elekerik beberapa bulan ke udah lalu diatu aku ulih meda ubah ba pengidup kami di rumah panjai. Kami diatu ulih naruh lauk enggau pemakai lama agi dalam peti ais lalu reti nya kami enda ibuh suah nurun ke pasar. Sebedau tu, kami nyumai semua pemakai ke jampat jai memagang laban nadai peti ais.

Kami diatu ulih masang televisyen enggau radio kami sebarang maya lalu nemu utai ke nyadi ngelingi kami. Anak kami pan ulih ngaga kereja sekula sereta belajar maya malam hari laban bisi api ke meruan. Kami meri besai terima kasih ngagai Perintah laban udah nyendiaka perengkaguna tu ngagai kami.”

